



24. august 2018

UKA 2018/99

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Kiffartuussinermut isumaqatigiissutit aqutugalugit inunnut illoqarfissuit avataaniittunut timmisartumut billittit akikinnerusut qanoq iliorluta qulakkeersinnaanerigut pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Justus Hansen, Demokraatit)

Naak sunaluunniit suli qularnaarneqanngikkaluartoq malunnarpoq Nuummi Ilulissanilu atlantiku qulaallugu timmisartunut mittarfiliornikkut aamma Qaqortumi nunap immikkoortuani timmisartunut mittarfiliornikkut angallannikkut nutaamik aqqissuussilersugut. Tamatuma saniatigut pilersaarutaavoq aamma Tasiilami Ittoqqortoormiini mittarfiliortoqassasoq.

Pilersaarutit pissanganartuupput aamma pilersaarutaapput angallannikkut aqqissuussaanerup allangorluinnarneranik kinguneqartussat. Tamatumunnga atatillugu Demokraatini isumaqarpugut, pingaaruteqartoq innuttaasut illoqarfissuit avataaniittut aqqissuussineq nutaaq qanoq iliornikkut iluaqutissarsivigisinnaassaneraat oqallisigissallugu. Qanorluunniimmi pisoqaraluarpalluunniit nunatsit ittumi timmisartukkut angallaveqartussavaq imminut akilersinnaanngitsunik, taamaattumillu ingerlatseqatigiiffik ingerlatseqatigiiffiilluunniit kiffartuussinissamut isumaqatigiissuteqarfigisariaqartussavaq, qularnaarumallugu nunaqavissut najukkaminnut tikeqqittarnissaat najukkaminniillu aallarsinnaanissaat.

Maannakkut kiffartuussinermut isumaqatigiissut atuutilerpoq ulloq 1. januaari 2017 akeqarluni 153,8 millioner koruuninik ukiumut. (Konto 72.20.05 2018-mut Aningaasanut Inatsimmi). Tunngaviusumik kiffartuussinermut isumaqatigiissutit atuutissapput ukiumi 4,5 -ni - tassa 2021-p qiteqqunnerata tungaanut.

Taamanikkornissaanut imaassinnaavoq angallannikkut aqqissuussineq allangorluinnarsimassasoq atlantiku qulaallugu timmisartunut timmisartoqarfiit taamatullu mittarfiit pissutaallutik. Tassani Demokraatinut pingaarnarpaavoq taakku kiffartuussinermut isumaqatigiissutit sipaarfigineqarnissaanut tunngavilersuutitut atorneqannginnissaat. Paarlattuanilli pingaaruteqarpoq minnerpaamik maannakkut kiffartuussinermut isumaqatigiissutinut aningaasaliisarnitta ingerlaannarnissaa taamaalilluta qularnaarlugu innuttaasut akikitsunik billittisinnaanissaat.

Tamatuma saniatigut pingaaruteqarpoq angallannikkut aqqissuussinerup nutaap kingunerissagaa suliariumaniittussarsiuusseriaaseqalissasugut kiffartuussinissaasut nutaat saaffigalugit suliariumannittussarsiissinermi annerusumik unammillertoqarsinnaaleqqullugu.



Kiffartuussisinnaasut taamaasillutik neqeroorluarnerusinnaalissagaluarput - maannakkut kiffartuussinermik aallutallit nutaallu - taamaasillutillu innuttaasunut bilittit akikinnerusut qularnaarlugit.

Demokraatini isumaqarpugut bilittit akii apparniarlugit ullumikut naleqqiullugu amerlanerusunik aningaasaliissuteqartariaqanngitsugut.

Naalakkersuisulli partiilluunniit allat kissaatigissagaluarpassuk kiffartuussinermut aningaasaliissutaasartut ukiumut amerlineqassasoq taava tulluassagaluarpoq oqaatigereerneqartuuppat taava paarlattuanik sutigut sipaaruteqartoqassanersoq.

Demokraatini nalunngilarput kiffartuussinermut isumaqatigiissutit isumaqatigiinniutigeqqinnissaanut suli piffissaq sivisooq ingerlasussaasoq, nalunngilarpulli isumassarsiagut nutaat saqqummiutiaartariaqarlutigit. Tamatuma saniatigut neriuppugut oqallinneq manna pissutaalluni isumaqatigiinniarnert aallartinneranniit Inatsisartut peqataatinneqartalernissaannut aqqaasinnaajumaartoq, mannami tikillugu taamaattoqartarsimanngilaq.

Qilanaarpugut partiit allat isumaasa tusarnissaannut aamma Naalakkersuisut tamassilu kissaallusi qulequtaq pillugu oqalliluarumaartusi.